

տին Բեթղեհէմի , հարկ է սկիզբն առնել քննութեան Ձիթենեաց լերին . որպէս խոստացան Հայք յառաջագոյն տալ զպատշաճաւոր պատասխանիս զնմանէ , այժմ պատմեսցեն ճշդութեամբ զչինուածոց և զնորասահման իրաց 'ի տեղոջ յայնմիկ :

Փոխանորդն Հայոց . Վասն շինութեան և նորոգութեան լերին Ձիթենեաց՝ տուեալ է մեզ հրովարտակ արքունուստ 'ի թուին 0\ և ապա 'ի հաստատութիւն նորին , վասն Ձիթենեաց լերին և Ընդհանուր նորոգութեան Տաճարին Ս . Յարութեան 'ի ձեռն Հայոց , դարձեալ հրովարտակ 'ի թուին 0\ , որ մին է ջնջեալ հրովարտակաց : Սակայն առաջինն ոչ է ջնջեալ , շինութիւնք և նորոգութիւնք Ձիթենեաց լերին հիմնեալ են 'ի վերայ երկուց հրովարտակաց՝ և լեալ հրամանաւ նախկին Դատաւորի և երեւելեաց քաղաքիս , և այնուհետեւ ոչ ուրեք լեալ է շինութիւն և նորոգութիւն : Իսկ նոր հրովարտակն Յունաց՝ որ տրուեալ է յամսեան Ձիլհիճճէ և 'ի թուին 0\ և բովանդակէ զհարցումն նորոգելի տեղեաց , թուական նորին յետոյ է քան զթուականն հրովարտակաց մերոց , որովք արարաք զշինութիւնն և զնորոգութիւնն , և չեմք հակառակ նոցին հրովարտակի : Յոյք ծանուցեալ են Հիւսպատոսին Ռուսաց թէ՛ Հայք ոչ ունին հրաման շինութեան Ձիթենեաց լերին , և թէ՛ տեղին այն ուխտատեղի է Հայ , Յոյն և Կաթոլիք կրօնից , և թէ՛ զբանալի տեղոյն գրաւեալ են Հայք . անտեղի են այսոքիկ՝ զի լեառն Ձիթենեաց , ոչ է յատկացեալ միայն երկից ազգաց կատարել զուխտս , այլ համայն Քրիստոնէից . զի տեղի է Համբարձման Քրիստոսի յերկինս . և դուռն նորա ոչ երբէք փակեալ է , զի Քրիստոնեայք ըստ նախնի սովորութեանց կատարեն զուխտս և զպատարագս , որպէս Լատինք 'ի տարւոջ մի անգամ 'ի ներքոյ գմբեթին հրովարտակաւ , Յոյք առանց հրովարտակի 'ի գաւթին երկիցս 'ի տարւոջ . Սպիթիք և Ասորիք ըստ սովորութեան , և ոչ ումք Ընդդիմացեալ են Հայք : Եւ ըստ մտաց հրովարտակին տուաւ մեզ Հէօճճէթ 'ի դատարանէ , սակա պահպանութեան եկեղեցական սպասուց և յանդորութիւն Լուսարարաց՝ առնուլ զբանալին 'ի ձեռաց այլոց և մնալ 'ի ձեռս Հայոց . զի իւրաքանչիւր